

PROPISAN VAM JE EASYHALER

Ovaj letak je namijenjen osobama kojima je propisan Easyhaler za liječenje astme ili hronične opstruktivne bolesti pluća (HOBP).

ŠTA JE EASYHALER?

Easyhaler je inhalator praha za liječenje astme ili HOBP-a. Jednostavan je za upotrebu i ne sadrži nikakve propelente. Prah udišete u svoja pluća kroz usnik na inhalatoru. Easyhaler ima brojač doza koji jasno pokazuje koliko doza je preostalo.

Easyhaler ima pet terapijskih opcija.



Poklopac za usnik
(poklopac protiv prašine) →
Uvjerite se da poklopac
(poklopac protiv prašine)
prekriva usnik
inhalatora. Poklopac
sprečava da se inhalator
aktivira.



Zaštitni omot →
Možete koristiti
Easyhaler sa zaštitnim
omotom ili bez njega.
Inhalator može ostati
u omotu za vrijeme
inhaliranja.

**KAKO PUNITI I DOZIRATI EASYHALER**

Važno je da pažljivo pročitate sljedeća uputstva.

**1. PROTRESITE**

- Uklonite poklopac (poklopac protiv prašine) s usnika.
- Ako se zaštitni omot nalazi u pakovanju, možete ubaciti Easyhaler u omot.
- Protresite inhalator nekoliko puta dok ga držite uspravno.

**2. KLIKNITE**

- Držite Easyhaler uspravno između kažiprsta i palca i pritisnite jednom dok ne čujete klik. Pustite da se vrati u svoj prvobitni položaj, drugim riječima da „klikne nazad“.
- Doza lijeka je sada spremna za inhaliranje.

**3. INHALIRAJTE**

- Normalno izdahnite.
- Stavite čitav usnik u usta i usne čvrsto priljubite uz usnik tako da dobro prijanjaju. Duboko udahnite iz inhalatora.
- Izvadite usnik iz usta i zadržite dah 5 sekundi, zatim normalno dišite. Kada osjetite blagi slatkasti ukus u ustima, možete biti sigurni da ste primili dozu.

- Ako vam je propisano više od jedne doze, ponovite sve od koraka 1.
- Ako ste koristili Beclomet, Salfлумix, Bufomix ili Giona Easyhaler, nakon uzimanja doze uvijek isperite usta vodom uz grgljanje. Ispljunite vodu.
- Stavite poklopac (poklopac protiv prašine) nazad na usnik. Zatvorite zaštitni omot ako ga koristite. Ako ste slučajno kliknuli Easyhaler a niste inhalirali oslobođenu dozu, ispraznite ga tapkajući usnik o svoj dlan ili sto.



EASYHALER JE JEDNOSTAVAN ZA ODRŽAVANJE

Očistite usnik inhalatora barem jednom sedmično čistom suhom tkaninom.



KAKO ĆU ZNATI DA JE INHALATOR PRAZAN?

Easyhaler ima brojač doza koji jasno pokazuje koliko doza je preostalo.

Brojač odbrojava na svakih pet doza, a brojevi se prikazuju u intervalima od 10 doza. Kada se pojave brojevi na crvenoj pozadini, preostalo je 20 doza. Zamijenite inhalator kada brojač dođe do 0, čak iako se kroz prozorčić na zadnjem dijelu inhalatora i dalje vidi prah.

ČUVANJE I SKLADIŠTENJE INHALATORA EASYHALER

Bufomix Easyhaler se može čuvati 4 mjeseca nakon otvaranja zaštitne folije. Salflumix od 50/250 mikrograma se može čuvati 1 mjesec, a 50/500 mikrograma 2 mjeseca. Inhalatori Buventol, Giona i Beclomet Easyhaler se mogu čuvati 6 mjeseci.

Easyhaler se treba skladištiti na sobnoj temperaturi i na suhom mjestu. Dostupan je sa zaštitnim omotom i bez njega. Zaštitni omot se može koristiti kao dodatna zaštita za inhalator (za više informacija pogledajte uputstvo za pacijente).

TERAPIJA BRONHODILATOROM ZA OLAKŠANJE TEGOBA:




BUVENTOL EASYHALER

Buventol Easyhaler sadrži salbutamol koji širi bronhije i olakšava disanje.

Brzo djeluje i koristi se za olakšanje simptoma astme ili za olakšanje disanja kod hronične opstruktivne bolesti pluća. Djeluje za nekoliko minuta, a dještvo traje oko 4-6 sati.

Buventol Easyhaler je dostupan u dvije različite jačine, 100 mikrograma/doza i 200 mikrograma/doza.

PREVENTIVNA I TERAPIJA ZA ZAUSTAVLJANJE UPALE:



GIONA EASYHALER I BECLOMET EASYHALER

Giona Easyhaler sadrži budesonid, a Beclomet Easyhaler sadrži beklometazon.

Oba spadaju u grupu lijekova poznatih kao kortikosteroidi i koriste se za terapiju održavanja i preventivnu terapiju kod astme. Giona Easyhaler i Beclomet Easyhaler smanjuju i sprečavaju upalu u bronhijama i moraju se redovno koristiti da bi se spriječili simptomi astme, drugim riječima i kada nemate simptome. Dještvo postaje primjetno nakon nekoliko dana, a puni efekt se postiže nakon nekoliko sedmica liječenja.

Giona Easyhaler je dostupan u tri jačine, 100 mikrograma/doza, 200 mikrograma/doza i 400 mikrograma/doza. Beclomet Easyhaler je dostupan u jačini od 200 mikrograma/doza.

TERAPIJA ZA SPREČAVANJE I OLAKŠANJE TEGOBA:



BUFOMIX EASYHALER

Bufomix Easyhaler sadrži dva različita lijeka: budesonid i formoterol. Budesonid spada u grupu lijekova poznatih kao kortikosteroidi i koristi se za terapiju održavanja. Smanjuje i sprečava oticanje i upalu u plućima. Formoterol širi bronhije i olakšava disanje.

Formoterol djeluje za 1-3 minuta nakon inhaliranja i u prosjeku djeluje 12 sati nakon jedne doze.

Bufomix Easyhaler je dostupan u tri jačine budesonida/formoterola: 80/4,5 mikrograma, 160/4,5 mikrograma i 320/9 mikrograma.

PREVENTIVNA TERAPIJA:

SALFLUMIX EASYHALER



Salflumix Easyhaler sadrži dva različita lijeka: salmeterol i flutikazon. Flutikazon spada u grupu lijekova poznatih kao kortikosteroidi i koristi se za prevenciju. Smanjuje i sprečava oticanje i upalu u plućima. Salmeterol širi bronhije i olakšava disanje. Salmeterol djeluje za 1-3 minuta nakon inhaliranja i u prosjeku djeluje 12 sati nakon jedne doze.

Salflumix Easyhaler je dostupan u dvije različite jačine salmeterola/flutikazona: 50/250 mikrograma i 50/500 mikrograma.

Uvijek se držite uputstava na receptu koji ste dobili. Pažljivo pročitajte uputstvo za pacijente. Ako imate bilo kakva pitanja ili nedoumice u vezi s bilo čime što se odnosi na vaše liječenje, obratite se svom ljekaru ili medicinskoj sestri. Za više informacija pogledajte www.fass.se, dio namijenjen opštoj javnosti. Nikada ne bacajte lijekove u kućni otpad. Vodite računa o životnoj sredini. Neiskorišteni lijekovi se mogu predati apotekama.